

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0061515 24
Zenica, 20.02.2025. godine

OPĆINSKI SUD U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

Protiv:

H. D. osuđivan više puta,

što je:

dana 28.11.2024. godine u vremenu od 07,45 sati do 09,00 sati, u Z., u zgradi Policijske uprave [REDAKTIRANO], tačnije u hodniku ispred službenih kancelarija, prijetnom da će izravno upotrijebiti silu pokušao spriječiti ovlaštena službena lica [REDAKTIRANO], u vršenju službene radnje koje su preduzeli u okviru svojih ovlasti pri obavljanju poslova čuvanja javnog reda i uhićenja učinitelja krivičnog djela, te neovlašteno držao eksplozivne materije čija nabavka građanima uopće nije dozvoljena,

na način da je po dolasku u prostorije šalter sale u PS C., nakon što je uočen od strane policijskih službenika PS C. S. Đ. i M. D. te koji su ga pozvali da pođe sa njima do službene prostorije kako bi se izvršila provjera da li je za njim i dalje aktivna potraga koja je raspisana od strane Uprave policije Ministarstva unutrašnjih poslova Zeničko - dobojskog kantona pod [REDAKTIRANO] od 05.06.2023. godine, na što je pristao, pa kada je provjera afirmativno potvrđena i kada mu je bilo saopšteno da će biti lišen slobode radi realizacije Uputnog akta Općinskog suda u Zenici broj [REDAKTIRANO] od 16.05.2023. godine kako bi se sproveo na izdržavanje kazne zatvora u Kazneno - popravni zavod zatvorenog tipa Zenica po Presudi Kantonalnog suda u Novom Travniku broj [REDAKTIRANO] od 15.12.2021. godine koja je potvrđena Presudom Vrhovnog suda Federacije Bosne i Hercegovine [REDAKTIRANO] od 28.06.2022. godine, te prema kojoj je imao izdržavati kaznu zatvora u trajanju od šest godina i šest mjeseci,

tada je počeo da negoduje i iz unutrašnjeg džepa kaputa je izvadio eksplozivnu napravu - ručnu bombu „M93“, mase oko 350 gr, prečnika 57 mm, visine 90 mm i tako je držao u desnoj ruci i mahao istom te istovremeno se obraćajući policijskim službenicima riječima „neće mene niko hapsiti, majku vam je***, ja sam vam omogućio da živite, sve ću vas pobiti“, nakon čega su mu policijski službenici izdali usmene naredbe da se preda i da bezbjedno odloži ručnu bombu, na što se H. D.oglušio, te se udaljio iz zgrade Policijske stanice C., da bi ga ispred ulaza u zgradu stigao [REDAKTIRANO] PS C. Š. Š.koji mu je nastavio sa izdavanjem usmenih naredbi da se

preda i da bezbjedno preda ručnu bombu, te nakon toga je u pratnji nekoliko policijskih službenika, ali i dalje držeći bombu u ruci ponovo ušao u zgradu, te kada mu je saopšteno da će biti lišen slobode ponovo je izvadio ruku iz džepa držeći bombu te je počeo ponovo sa verbalnim prijetnjama policijskim službenicima S. Đ. i M. D., tako što im je rekao „*vas dvoje sam zapamtio, sa vama ću se kad – tad obračunati*“, da bi potom izašao iz zgrade Policijske stanice C., cijelo vrijeme držeći bombu u ruci i mahajući istom, i tako se udaljio prema obližnjem parking prostoru kod ugostiteljskog objekta „Ć.“, a za njim su se uputili policijski službenici PS C. u namjeri da mu bezbjedno oduzmu ručnu bombu i da ga liše slobode, među kojima je bio i A. B. koji je H. D. zatekao kako sjedi u svom vozilu marke „Kia“ reg. oznaka [REDACTED], te je ručnu bombu iz koje je prethodno izvukao osigurač predao A. B. i udaljio se svojim vozilo u pravcu naselja T., da bi nakon nekoliko minuta od strane ovlaštenih službenih lica PS C. i pripadnika Specijalne policijske jedinice bio zatečen ispred benzinske pumpe „[REDACTED]“ u ulici Z., te je službenim policijskim vozilom sproveden ponovo do zgrade PS C., kojom prilikom je upoznao policijskog službenika A. B. da u džepu kaputa posjeduje još jednu ručnu bombu „M93“, ukupne mase oko 350 grama, prečnika 57 mm i visine 90 mm, nakon čega mu je A. B. izdao usmenu naredbu da istu bezbjedno preda, u skladu sa kojom H. nije postupio, da bi konačno po dolasku u prostorije PS C., nakon što su se stekli uslovi za bezbjedno oduzimanje eksplozivne naprave upotrebom fizičke snage od strane policijskih službenika PS C. i Specijalne policijske jedinice, navedeni policijski službenici su uspjeli staviti pod kontrolu H. D. uz upotrebu sredstava za vezivanje i bezbjedno mu iz džepa izvaditi i odluzeti drugu ručnu bombu „M93“, pa je tako H. D. svjestan da opisanim radnjama sprečava policijske službenike u vršenju službene radnje koje su preduzeli u okviru svojih ovlasti, što je i htio, te isto tako svjestan da je neovlašteno držanje dvije eksplozivne materije – ručne bombe „M93“ u suprotnosti sa odredbama iz člana 6a. Kategorija A) tačka 6. Zakona o nabavljanju, držanju i nošenju oružja i municije Zeničko-dobojskog kantona, te da je građanima zabranjeno nabavljanje i držanje ovakvog vatrenog oružja i municije, to i htio,

dakle, prijetnom da će izravno upotrijebiti silu pokušao spriječiti službene osobe u vršenju službene radnje koju su poduzeli u okviru svojih ovlasti pri obavljanju poslova čuvanja javnog reda, te neovlašteno držao eksplozivne materije čija nabavka građanima uopće nije dozvoljena,

čime je počinio krivično djelo „Sprečavanje službene osobe u vršenju službene radnje“ iz člana 358. stav 3. u vezi sa stavom 1. sve u vezi sa članom 28. Krivičnog zakona Federacije Bosne

i Hercegovine (KZ F BiH) u sticaju sa krivičnim djelom „Nedozvoljeno držanje oružja ili eksplozivnih materija“ iz člana 371. stav 1. KZ F BiH sve u vezi sa članom 54. KZ F BiH.